



Senda d'art spel Rein a Trun

Sin in tschancun da ver 1 km per liung dil Rein han duas artistas e 14 artists dalla Surselva ni ch'han ina relaziun cun la regiun plazzau lur sculpturas, plasticas ni figuras en lenn, fier e crap. Cun grond engaschi e bia fantasia han els schaffiu entuorn 30 ovras artisticas. La variaziun ei gronda e tonscha naven da figuras concretas tochen a plasticas fetg abstractas. E la moda e maniera da sefatschentar cul material e cul liug d'exposiziun sedifferenziescha grondamein.

La senda d'art spel Rein a Trun ei vegnida aviarta ufficialme in ils 19 da matg 2007 e para da daventar ina attracziun per indigens ed jasters. Las ovras exponidas restan en scadin cass per silmeins in onn el liug.

Access: Naven dalla Posta amiez Trun viers sid, sur la linga dalla Retica e vinavon engiu tochen tier il Rein.

